

四庫全書存目叢書編纂委員會編

齊魯書社

四庫全書存目叢書

集部
第二六二冊

責任編輯：孫言誠 賀 偉

ISBN 7-5333-0615-5




EB55/03

四庫全書存目叢書·集部二六二

(大陸版·限中國大陸發行)

四庫全書存目叢書編纂委員會編



齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 32 開本 53.25 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第二六二冊目次

集部·別集類

樸學齋詩稿十卷補編一卷

〔清〕林佶撰
北京圖書館分館藏清乾隆九年家刻本

一

柳塘詩集十二卷

〔清〕吳祖修撰
蘇州市圖書館藏清康熙四十四年刻本

一五七

澄懷園文存十五卷載賡集六卷詩選十二卷澄懷園語四卷自訂年譜六卷

〔清〕張廷玉撰
北京圖書館分館安徽省圖書館藏清乾隆刻澄懷園全集本（詩選年譜光緒張氏重刻本）

二四三

秋江集六卷

〔清〕黃任撰
吉林大學圖書館藏清乾隆刻本

七五九

樸學齋詩稿十卷補編一卷

〔清〕林佶撰

北京圖書館分館藏清乾隆九年家刻本

附《四庫全書總目·樸學齋詩

集十卷》提要

序

卷一

詩言志志高而處卑不能
強為高也非是亦徒為矜
而已余濩落廿年來所為
詩止此其卑已甚猶幸其
氣之昌也倘易地處之志
帥氣氣輔志豈惟詩其
於道也覲有進焉不敢不
勉也

康熙乙酉八月鹿原林佶
書於陳州之柳湖



樓學齋詩藁目錄

卷一

一卷 古體五言

二卷 古體七言

三卷 古體七言

四卷 今體五言律

五卷 今體七言律

六卷 今體七言律

七卷 今體七言律

八卷 今體五言截句

九卷 今體七言截句

目錄

十卷 今體七言截句

受業甥謝道承

陳治滋

男 正青

在衡

在我

王衡

孫 姓

肇天全校字

乾隆九年甲子刻於維揚

樓學齋詩藁卷一

古體五言

建溪

建溪如建甌一瀉八百里夾岸列層巖中流橫巨
砥孤舟蕩滴波折旋若磨蟻蓬短卷三窩舩輕薄
半指篙師四五輩操縱若控駛脰腕互呈勞心目
各奏技偏從急湍投遙向危磯抵上下偶失勢觸
石見立靡吾方汗浸遊曠懷似條鯉異境滌煩襟
惟石幻衆美穩者如平阨枉者若注矢峻或摩昂
霄高乃蔽日暑堆聚儼累棋破碎等散騎狂駭兇
牛奔秀瞻鸞鵠峙及茲冬涸辰澄澈直到底鬼斧
無遁形神工失所恃日暮邨煙合引纜溪灣漾薄
飲敵霜嚴明朝達拓水

仙霞嶺

造化孕陰陽鑪冶呈物表項脊屬中原吭噓乃秦
趙甌閩居尾閭一泄恐遂了包絡遶岡壑匪極
茫莽豈但挺奇靈實能割昏曉彼豎蓄狂謀稱兵
釁自挑欲以丸泥封致使王師勦至今一紀餘殘
黎心猶掉我來值窮冬郵符適紛擾只有官役趨
絕無行旅遠筍輿不得御芒鞋行木杪風雪方載

途跋履心已悄仰睇浮雲齊俯觀飛鳶小茫茫身世交何日謝紛糾吾將就堯夫觀物窮幽渺

江山道中雪

苦寒地多雪積素每盈丈萬室舉煙沉千門披月朗此物南方稀亦由陽氣盪無復撤庭院那見瑩書幌昨者度仙霞殘冬及蜡餐暖可袪春衫氣如蒸瓦盜玄冥欲閉藏失令不得養何意晚霰霰忽復風蒼莽平地江濤翻深林虎豹往還旅弗堪留出門殊勉強油幕與毳衣決裂無足仗沾帽若綴旒撲面直過顙僕夫已告瘁川原覺深廣敗絮不成眠邨酒豈得享須臾見大地瓊瑤披隔壤崇尚滌心神光能燭象罔寒威雖可畏偉觀愜幽賞前途嚴陵灘雪景稱無兩倘復霰先集于心尤快爽

蘭溪

蘭溪山蜿蜒遠近各有情蘭溪水流駛澄波涵空明未至廿里餘遙望心先迎左林橫積翠松影連雲平疑有仙人車乘鶴奏鸞笙右岸挺寒枝槎枒森萬荆木葉既已脫羣鴉時飛鳴中流帆影散落日蒸霞晴浦淑藏樹底泉聲激琤琮洄伏沙嘴露籬落秋樹坪我思此卜居荷鋤來偶耕前疇八九

畝後屋二三楹出作而入息無年亦無榮又思爲漁父波面集魚兵月明罷釣去白鷗締素盟只要吾生足無之山水清此地可長往安用利名撓

贈顧嘉穎

絹力五百載紙力八百年未若貞珉堅千古猶流傳所以善書人必藉名手鐫獻之保母碑李邕戒壇篇宛轉自刻畫骨勁而肉圓錫山顧嘉穎文雅殊翩翩雙鉤窮毫秒運刀追風旋垂露與屋溜倒甍及針懸書家具三昧一一探其玄吾哀金石富不亞集古編見子鈞與劉用意極精專方今右文史宸翰灑龍箋下追卿大夫碑版筆如椽子雖善刀藏定遇乘車先煌煌照四裔豈曰雕蟲妍

送供奉宋廣平入都

碧梧倚高岡崇蘭生澗曲託根既非凡標格自不俗卓哉供奉賢令德風所沃承學溯淵源束身範金玉致位始清華至恩若朝旭九萬瞻鵬搏千里展驥足

我居閩海濱抱書汨塵埃所志在四方微情寄高曠出遊來堯峯托交附末行霞嶺雲芊綿太湖光蕩漾飲和酌醇醪心醉不可量

當今王路廣彙征固多賢雅詣臺閣事孰有如君
先君雖抱璞藏文采日昭宣簪筆丹螭側荷橐囊
洲前駸駸登崇階世掌絲綸篇

春江如帛綠春草逐波青馳驅騁上苑高閣遙聞
鈴昔日論思地延賓戶不高君方紹父風慎哉答
明廷

寓齋感興廿一首 有序

每希古人詠懷感遇諸篇結情欲吐才薄不逮
寓居抱寂走筆輒得廿餘首觸緒敷衍質浮於
文觀者宜有以諒焉 辛未七月二十日

樓學齋集卷一 詩 四

天道貴自然人事尚明作動靜互爲根推盪若橐
籥皇王已云徂淳風日以削汲汲魯中叟偃起荷
絕學剛定在六經往聖得所託雖以木鐸驅何異
秦韶護近士鮮躬行智巧以臆鑿茫茫三千載此
道竟寥廓有志既不立宜爲識者薄

學士貴聞道致身苦不早如何滋玩惕展轉頭已
皓中夜披帷立明月照霜縞蟋蟀鳴窗牖秋風凋
蔓草失時不努力何以慰親老

文章雖一藝載道以爲質才氣競驅馳何嘗不超
軼惜未探其源致遠將恐尼不如滋本根根茂花

自實區區誠願學恒患未專一庭訓與師承服膺
良已悉敢復踰浮囂悠悠負白日

大義存六經炳如日星懸誦說相纂述古今非一
賢好學以深思白首猶茫然豈伊咕嗶者乃能得
真詮帖括垂其體割裂滋目眩自非不世才安能
改其絃何況榮利名得魚旋忘筌

性道不可聞心學幾終闕致知與格物明善以誠
治啓鑰且開闔寧不見真義蔽銅日以深訓詰日
以離不如收放心萌蘖自培植老佛抵間隙朱陸
別同異紛紛千載中竟忘所有事我生在汙泥豈

樓學齋集卷一 詩 五

能自拔致但希夜氣存庶無陷匪類
五祖山含輝珠藏澤自媚道德被厥躬氣象應先
賁鄉黨一篇書聖容難擬議泰山負嶽嶠私淑有
餘企嘆彼虛憍者色莊以爲僞失聲破釜間見色
豆羹類所以君子徒寧不在集義不愧亦不怍浩
氣塞天地不疾亦不遽三十年不貳霽月與光風
此言良堪思

星漢麗中天江河有歸宿古人重授受衆福會一
轍伊洛暢其風闕閤亦繼躅紫陽有功臣乃在葵
州麓仁山與白雲文獻及文肅經術既已醇文章

更絕俗後先仰重光學者飮膏馥沾被潛溪翁用
先彼邦族煌煌典冊文清廟頌於穆巍巍開國臣
車服照巖谷不敢忘師傳遺編仍纂錄景行惟高
山辭香自此祝

國有所與立寧不在文獻相承賴名賢古今同一
券學識窮小大綜括恢典憲上探邱墳書下採章
澤論此豈拘牽儒孤陋所能逮昔惟東萊翁淹貫
追雅健後起宋潛溪百年餘繚繚城人未云遙撫
已有深願潛溪有思城人詞
為呂成公作也

我愛百泉山上有安樂奧不崩亦不燼其中何所

樓學齋集卷一

有月窟與天根攝持若樞紐出處不驚俗乾坤亦
儕偶至今伊雒間元氣猶亶厚近者孫憂峰遐邇
推耆耆問學有淵源被服安田畝豈不願守鞭惜
哉生已後

在昔沂水游春風遍寰海近者天泉橋此樂亦千
載我嘗希其風誰云古不逮昨日趨邱南山光吐
煙轡中有讀書翁雪鬚白皚皚挾杖偶行藥梅花
正蓓蕾列坐石子岡靜領思有在此意難爲傳此
遊異不改何期反掌間脩爾彤文采

敝褐對孤貉誰能不跼蹐鳳凰同雞食未有不脫

揆如何混齊俗愛身不若璧矯彼玉遠翁孤衿能
自頌聲名致青雲簪笏竟一擲迹跡入蓬蒿精心
禮與易九年不出山擬與塵網隔明詔忽來徵官
吏相逼迫勉强拂征衣豈爲腐鼠嚇氣且迫自孤
嫉甚劍相射束身翻後歸跡隱名適白不滿忌者
心浮論志毒螫焉知鵠在天雲表振六翮嘆彼含
沙人憫惻何所獲

我生十年時芻豢困驕穉十五知讀書門外羣鼓
亟數掾不安棲支撐見勞勩始知入世難愈信紛
囂累學殖恐無成中夜頻自歧折節事吟唔恥與

樓學齋集卷一

庸庸比令德不早立聞見煩譏議發憤自激昂負
笈不辭費乃有尸居徒尊啜以爲異

當寒振襦裘當饑煮梁肉飽煖一心知非爲人鹿
鹿汎舟迷中流驅車味峻谷長揖問征夫庶免窮
途哭先覺原有聞我躬應自毅但當憑心思莫仍
廢耳目此中有精意悟者不須復

驪龍護明珠深淵長自匿家雞當伏雛寧寧抱一
息少壯富精神愛養宜用壽多言損三焦好動傷
初力何況伐性資往往多迷惑自非明達賢沉溺
此克相彼合抱材亦由毫末殖和氏璧萬金不

珍當誰識篤哉君子身努力崇明德

父子本同氣兄弟若連枝相厥有生初保抱相游
嬉一日不相見何異渴與錢乃至有知識各復營
其私借鋤有德色閱牆動見嗤至性誰不然轉瞬
成澆漓父恩有時盡兄愛有時離寄語世上人毋
使後時悲

天合洽以恩義合教以情古人重緇衣鼓瑟復吹
笙真意既已浹至道從茲萌相叶不相比間隙何
由生今人好苟合多爲利名傾下者趨邪昵微逐
事逢迎威儀不相攝德義安能成須辨損益徒宜

樓學齋集卷一

抒彼我誠割席者誰子慎交全永貞

原憲衣捉衿顏回飯蔬水得聖爲依歸自能祛物
累退之亦聖徒乃爲貧所使號呼數上書禿豁悲
髮齒是知困窮術此境未易擬我生值艱難兵寇
充斥里沴戾未全消蕭然困食指上有垂白親下
有牽衣子無計禦寒饑長物餘書史慷慨歌金石
哀音欲變徵况當羈愁中秋氣徹肌體

立國自有經居家亦有紀苟恃富強資未有不縱
侈從俗恣奢淫未有不敗圯所以節儉風家國同
一理良馬行修途蹶足九十里百金惜露室和樂

被休社量入以爲出尚恐致傾否財源只此數盈
此必縮彼縱可致力求所傷亦倍蓰澹泊儒者事
禮義躬率履敢希浮薄徒杯餽用觀美

古樂愛澹泊今樂事淫靡但得絃中趣自具至和
理古書崇簡樸今書尚軟美但得畫中規心敬學
在是喧俗苦浮囂一食念百起辟如捲秋箬旋掃
紛階屺不如去學琴調心復調指不如去學書畫
畫見心矢

人固不易知知人亦不易橄欖回餘甘良玉韞金
匱有識不終湮久嚼味乃異傾蓋如白頭杯酒結

樓學齋集卷一

九

心意歡始以凶終不如不相比今日宴巨羅明日
馳驛騎分手即途人冷落同棄置不見君子交久
要能不二止水澄鑒明洞燭辨物類不希炙手熱
也無失足累

古有感遇詞伯玉稱獨步金碧與空青磅礪莽回
互晦翁更有詩齊居寫幽晤切近探真實學足理
尤裕吾生千載後踪跡比涸鮒安能以蠅聲不揣
當詔漢風秋風來蕭蕭日景暮志氣無時平焉
情旋復吐聊作候蟲鳴往復有餘慕

贈于東園

昔未見君時常愛讀君詩清真復微有想見塵外
姿今日來見君爲君牀下拜敗帷不蔽席老屋僅
支壞半卷楞嚴經悠然出清嘖不受塵網羈超出
如破械靜聽生滅緣是身等一芥君探天地根我
墮意識界願君爲我陳孰爲穀與稗爲我撒藩籬
令我掃瘡亦傾心聆至言似護菩薩戒三沐南海
濱壯納通沆瀣

送姚東只還揚州

維揚一老翁年已六十九魁壘雅好奇埋頭只好
酒酒後寫新詞寸紙蟠龍虬開口一笑足不計及

樓學齋集卷一

十

不朽昔曾遊燕秦近亦客柳柳不啾楓亭荔老葵
負此口竭來叩我門脫畧破窠臼拈韻每藏闔圍
棋敢縮手忽復告我歸秋風赴清剗無計可留君
勸君酌大斗明月照邗溝正是君歸後不知君此
時能復重聚首聚散本難期高懷實不偶再有武
葵綠策杖隨君走

重陽後集許氏石林得佳字

身繫塵鞅中安得具好懷前山有幽運茲奎多層
崖不及常令節登臨與君偕猶幸遲日來從容躡
芒鞋上下陟危磴汲雲吞江涯

汲雲吞江涯

朋侶既

余集詠譎襟優俳寓目騁高曠超然外形骸秋風
方朝肅山氣尤夕佳更有當空月脩然照山嶺緒
言須拮擊餘興待安排長嘯下山去吾心良已諧

大司成汪公東川賦甘泉宮瓦詩爲贈賦答

我有一漢瓦規圓質殊美文列長生樣畫開八分
始肇造武皇年沉埋甘泉址幾度臨秋風明月照
渭水代去踪無留神護器不毀叔獲迹頗奇撫觀
字可喜令之友穎泓底用注經史高度茅齋中掩
映烏皮几家珍差足尚衆賞未云侈何意國子師
覽圖披幅紙煌煌瀉高詞朗朗發妙旨排弄絕陳
言卓犖越恒軌頓令聲價張氣與終南峙我喜誦
新詩欣如得御李重枉高軒過窮巷迎倒屣自顧
亦瓦缶敢混黃鍾耳物理屈必伸化權泰消否巨
細等齊觀顯晦道如此逝將勒鴻篇傳示昭遠邇
庶配石鼓歌同耀園橋裏

入新河泊桃源界夢歸有感

明月照大河夜靜波聲息四顧無邨墟惟聞鼉鼓
亟百憂從中來羈魂轉凄切展席尋夢境夢觀高
堂色牽衣情宛然忍別淚盈臆二親八十年遊子
乃離側傷哉貧所驅微名悔不匿不如在夢中猶

得供子職

上新城王阮亭師

倒掛生窮島不能耀羽翰荔支貢上林暫得充大
官同處朱方城升沉等殊難彼物終無言居違實
可歎

山澤產物華希世乃一觀分布宇宙間落落只此
數羅列陳五都豈不希良賈世無波斯胡寧藏不
顧沽

黃河從天來泰山拔地出王畿宮闕麗冠蓋車趨
軼盪胸無此奇徒如禪處龜所以有志士欲近長

安日

樓學齋集卷一

羣卉值春陽含華各爭媚氣候歷三時根株務涪
溉緬彼至道人晚欲刊文字而我猶區區莫爲達
者棄

吾聞東泰山上有丈人峰鬱爲魯邦望巍然衆岳
宗蒸變以化物雲龍實相從區區上壤微詎不荷

含容

輕盈伴五人

阮亭師席上分賦

襄陽冰雪人皜皜固無匹壯闊休上書南山長自
逸何意賦瓊姿謂宜伴玉質精白神可通淄湮能

不失素心長如此持之質皎日

說餅

阮亭師席上分賦

曾讀說餅詩搞詞五百字蒼藻綴成章硬語各拔
萃信知風雅才別具點染致不襲吳均說只與諸
生議大足補食經兼可資本事何意余後來亦荷
公飲食既飽固已欣有言敢辭費朶頤盃盃占枯
腸芒角出權輿愧此承據覈嗟徒爲惟公鹽梅手
能調鼎器欲士飫聞道皆欲齊其歲舉類而知
通聊以覘衆志略大識厥小雖侈何足異拙詩獨
晚成願公一笑置

樓學齋集卷一

十五

放鵬圖

爲阮亭師作

先生天人姿標表與俗異雅抱匡濟懷尤饒山水
致漁洋萬頃青蠶尾數峰翠遐託良在茲未嘗一
飯置昨宵卷書坐悠然涼風至對月念逍遙感物
增秋思頗憶雍陶詩千載有同契

雪後詩思圖

爲阮亭師作

高山望嶙峋白雪飄然下瓊瑤散作花迸向溪流
灣庭前數竿幽竹外一枝亞東風律已轉餘寒氣
猶射卷簾擁褐居蕭然忘却舍緬想冰雪安神思
何清暇

書土慢亭結緣研圖後

昔聞結緣研蔚爲蘇氏寶何意三槐家亦具此美
好相共瑯琊工不知何年造埋沒槐根中幾同秋
葉掃無心獲此奇洗刷照晴吳熊熊紫虹光宛結
一片藻登度友穎泓磨研著立草昭示傳子孫庶
令永相保奚期瞥然失慢藏戒不早楚方遺可忘
魯玉歸用禱片言納汶田那須偏師討神物有護
呵祖澤頻潔潔瓶欵形可模詩城堅難搗三槐昔
有銘異代足徵考欲借此研濡秉筆愧坡老願同
青瑣藏守如頭目腦

樸學齋集卷一

題梅耦長畫并送其歸宣城

我昔買片颿遠浮大江濶遙望敬亭山雲氣自卷
舒泉澗何委折樹石何蕭疎茫茫煙靄中知有人
讀書欲從徒溯洄忽已三年餘每見君毫素客懷
時一據蹴踏無荆關董巨何足譽自矜不苟作獨
與朋相于今朝風日晴同集民部居君獨寫片幅
遠心寄歸與我歸疑君先於計亦未虛想應移贈
我恍掛及秋初洞庭歌木葉遲君來樵漁

七夕前三日集一畝園今賦紫薇花得瑣字
蕭蕭一園秋茲花獨婀娜綴英吐未歇垂紅色欲

輝葩擬駐朱顏名久借青瑣微思相對人不知誰
者可聊復領一觴試藉落茵坐

集王樓邨修撰寓齋賦忍冬花即送其歸寶
應得春字

芸生動與植貴自全其真凌霜傲風雪時絀道益
伸詎松柏有心與竹箭有筠不觀弱植藤亦能忍
冬辰纏枝尚左紐敷葉含光新叢葩聚一穗長鬚
軟半唇色白俄變黃似雜金與銀其性最溫和久
服能輕身後宜綴短籬俯與木槿鄰盈盈巖阿側
蕭蕭讀書晨幽香祇自嬌不染艷與塵蒸露露彌

樸學齋集卷一

潔釀酒酒益醇以此列本單品與參蓂倫是當伴
君子什襲環珮親奚與當門蘭鋤伐比荆榛不知
物尚忍含芳以濟屯惟人能尚忍鍊性以通神敢
因忍冬花酌君歸淮濱祝君貞晚節同受天地春
爲陳坦園題日角硯冊

我有龍尾石寶之若拱壁爲君巧奪去至今念猶
惜君復誇日角屬我銘素冊我未見此硯如何以
意逆若以龍尾規舉一可繫百定在季孟間光怪
動精魄資君揮灑奇佐君龍蛇迹雅知一麟角要
敵千狐白他日論兩勲未知定誰策因思百年內

能者幾兩役揮毫掣兩肘能書幾疋帛好研不可
無食研莫成癖保無好事者按圖來求索我言非
游戲須慎防豪客

李黃齋食瓜分賦得浮字

初晴雨氣歇移午炎歊柔隔巷偶相招忽聚數朋
儔筵懸飲或怯瓜剖食如流博徵及蔬譜默識恣
冥搜乃知其種別疎的綿田疇名始幽風載候從
月令收滋生寂易衍削之皆有由禮記為天子削瓜至于庶人皆
有賦推劉陸麗格把張傳道西方負金體夏日嚴
冰鏤巨負形類斜小握圓同球懷丹間被素茲蒂

撰學齋集卷一

七

珍括姜傳聞嫩煌煌產其美潤沁喉迄今哈密貢香
脆味殊優不識東陵生昔曾甘此否我近患腰刺
戒冷忌腥羞對此不敢啜任彼沉與浮因嘆胡不
歸荔子負三秋繁瓠古所歎抱蔓今方憂只願去
荷鋤種瓜還吾邱倘或逢谿父登陟凌瀛洲

黃齋種竹分賦得不字

移書來古巷種竹傍牆頭風聲與竹影頓令小牕
幽硯借清陰潤觴飛翠霽浮子猷高興發還應似
君不

分賦得韓退之納涼聯句即用其韻

天方降炎威地不分南朔廣熾一洪爐備椒諸凡
濁火鬱金氣柔離爍陽光攢身欲浮三江志思凌
五嶽更羨赤鱗遊臨淵騁漫漶又慕蜥蜴潛深巖
挾冰雹調息數吸呼洗心習靜慈緩解一鉤涼未
得終朝樂况我魚肆枯豈能比鷺鷥汨汨混京華
棲棲逐塵邈雖云遊帝鄉詎比去天握每臨視日
影最苦是午卓炙若艾灼身磨焚鋸礪角况欲謀
稻梁時用資飲啄經營念方焦造請顏已渥豈容
桃笙卧安得塵尾捉局促居兩楹偏仄仰尺檣容
膝審易安執熱倦思濯水巖濕霏微山石行喃聾

撰學齋集卷一

七

小隱宜深山大材貴完璞此志既不就石田荒禾
穉昨過拾提遊無異鳥脫殼地勢挾陰森勝情滌
醒觀自有甘泉汲不須藏水斲快如馬脫銜豪類
舟橫梨涼颺集煩襟清夢得一覺攢壁繞古畫樊
相幻容貌面壁儼縛禪入定悟參學清露葵葉新
香風棗花撲念謝利名韞戒斷貪迷鋌蓮座擁曇
華蘭若叢芳葯瓜從龍井浮笑想雞頭刺桑門謝
塵簫箭鋒絕謠詠老僧八十餘戒律頽而砉方外
交味長經過不嫌數昔遊輒或迷新詞筆恒捫闕
知晝日長靜領太古樸議論難併諧風雅資揚推

牆頭布鵲翻離畔午雞喔新茗戰方酣芳醪盛共
勅日轡迴金輪雲屏垂翠幃欲較虎豹辭愧乏受
珪琢

新竹用白香山韻爲韻秀堃賦

渡江別此君半年達舊識何意到君齋覲此幾竿
直孤根本自危朔風吹何極難難挺青篠空庭爲
君得比者新雨餘綠滋好顏色對客哦其間催賞
窮日力而我亦來過樽前道相憶此君顧我笑醉
舞飲吾劍似共南山南不忘北山北我欲移此君
無力轉淒側

樓學齋集卷下

木

垂釣圖爲程萬亭賦

萬亭真奇士嗜奇固無匹曾問幔亭津欲守楓亭
驛相逢在維揚論議挺萃津日欲空古人手仍理
散帙上下古今間奇情貯一室箋註及蟲魚博采
徵刪逸飛走卵胎濕一一詳記述持之獻天子識
小固其質詎意金在冶精采鬱未溢且復託歌呼
旅懷寄抱膝莫羨長釣竿欲擲毫毫筆莫羨長袖
舞徒咎未工瑟壯夫勇有時逢年豐可必不觀千
金駿萬里騁奇逸應易釣師圖破浪乘風出

贈宋山言

曩獲緯蕭集細讀佳廬詩歎息果傑構知言真吾
師比來十年餘著述聞益奇思願從君遊雲龍上
下馳相去幾千里遠道輒參差去秋大比年網羅
搜熊羆人各堅壁壘競欲拔發旗君乘張北軍余
亦綴南枝頗謂及春明對策趨形蟬蠅翼附驥尾
絕足困風施何意各垂翅中途復相歧君先還江
南子舍猶西陂子獨困于殘冬尚奔波問津楊
子渡停棹胥江湄清風鈴閣下滄浪水連漪龍門
詎易汜東閣乃容窺退因獲對君杯酒歡相持頗
然豁胸臆幾復忘窮羈緬思君家學淵源何逶迤

樓學齋集卷下

九

文名振江左上達九重知覽愛何足云會當決藩
籬下視燕雀儔得無劣見嗤人生在不朽三立稱
男兒願君崇明德努力樹芳規接武繩世業應運
恢明時

武使君贈秋露白作此酬之

海陵武使君贈我秋露白不復羨蘭陵更與惠泉
別瓶罈源源來還期用不竭暴富類貪兒私心自
怡悅賞盡三春花幾幾九秋月一飲一懷君君寧
不耳熱

紅蓮米

昔聞吳都賦，粟美海陵紅。一飽嘗饒及，餘甘香更充。色殷占種美，致遠驗年豐。聞入天庖供，何因飽野翁。

贈福州顏太守

道山在蓬壺，奚來自閩壤。記從南豐傳跡，因光祿賞中峰。時欽奎影切霄漢，上仙史憑熊車。高明偃亢爽。

于山集九仙，靈境固無匹。層巒紫雲清，泉洛朝日行。印度花間放，衙理綉帙千載。姚端明風微仰萃律。

棋學齋書卷一

贈范別駕

幽居屏人事，委懷在詩書。冥觀大化運，靜閱盈虧除。歎茲渺爾躬，俯仰乃茫如。

側聞有淑姿，皎皎臨風立。鳴玉以爲佩，采芰以爲簪。東閣依官梅，清風冷然入。

遂遵海濱來，問奇探幽討。日月歷晦明，川原辨濕燥。熊魚知難無，榮名以爲寶。

作宦如作客，蕭然長閉關。庭虛來兩雀，遲靜長苔斑。霜餘萬木落，拄笏看龍山。

登道山

蒼莽郊原平，青翠衆山立。誰擬一筆奇，雅致羣賢集。斐然各會心，競秀在篇什。

爲查查浦題宋揭黃庭經後

憶昔在湖上，君傳示此帖。如遇絳宮仙，琴聲奏三疊。跋尾寫兩行，匆匆意未愜。次年聚京華，羣彦相步。保各出所有，奇如會岐陽。獵君仍出此，本未啓氣已。保誦觀紛衆手，各以臆嚆。聶或云會稽摹倪，怒驥蹀躞，或云通微書院體，無弗協于篆。五無容默以神相攝，緬其出塵姿，真具行空鬣。徐或竭蹶超吳，恐揮掃怯奇，絕細雕鏤妙處存，拓振下真蹟。

棋學齋書卷一

幸

一等足評非爲，踰歸來復五年。百憂疲薾，蘭多病。集健忘萬事付秋葉，惟願誦黃庭養生修淨業。何意君南來芝城，忽相接動詢帖亡恙，無暇語相怡。君索子再題，紹續豈容輒況。復病腕弱力不任，一篋那可少諸公。聚訟紛投牒，子藏有秩序。古香凝秘笈，當日憐仁師妙蹟。此摺襟蘭亭，無下榻對此總勝。妾君許互題識，相賞欣目睫。此語子所樂，已復忘喋喋。

金雞橋落戍，于遊筍江來。覲次東坡新橋韻，昔趨萬安橋。詫彼跨海霓，今過高士峯。壯觀復茲。

溪夾所兩山秀中流亂石低何年鼓洪漲壞此百
尺堤鼇首一頓蹙寒涉相推擠即用乘與濟不足
給日西大道荒百年行旅絕攸躋賢侯岐陽裔春
風騎馬蹄念此欲鞭石豈待旬日稽扁舟來相度
不驚鳧與鷺遂成橫波梁竟似凌空梯詎煩動鑿
鼓靡金若沙泥大工一朝集鴻名達金閨我來就
山水書劍相提携春遊到筍江囚來度金雞坐觀
安磐石不用鑄牛犀賢侯有妙筆讀書常燃藜作
記追君謨刷字磨煤臍

舟發長淮趨亳州

樓學齋集卷一

扁舟沂濠梁清風遙相控千年古蹟遙極目聊一
送荆塗秋色擎淮渦河勢動壽春堰已歷滁陽事
堪痛長閑潛溪文慨然一微詠欲弔長空月誰鉤
白墮甕

乙酉生日客華城縉坡公集得所爲東坡詩

八首按其年譜正公四十六時作也予何
人政與公同年而語特向服膺公詩因是
以寫其侘傺無聊之聚故爲之次韻云

未能登廟廊復難返蓬蒿進退兩無處僕僕徒爲
勞非不思息肩顧影誰能逃竭有涎白潤蟹有匡

藏膏二蟲我不如嗟此兩鬢毛撫躬生此口安得
獨自高

中原眺蒼茫驅車安所適炎日爍肌膚烈於寒起
栗蔭從莘野憇泉向空門乞甃偷忙裏閒敢厭勞
即逸晨雨忽東來涼颼集一室將復理遊裝整轡
夷門出鞭短馬腹長行行安可必

疾病鎮縈身頗苦倭腰背乞得一七葉不及三年
艾行任總支離貧困方交會總因創巨後輟轉在
苦塊心枯俯仰中慮隔形骸外舊學日以荒新聞
誰能嘗嘗恐考德者問我業安在散碎補遺忘何

樓學齋集卷一

異攝腥膻

海內號英賢靜中屈指數或工雕龍文或擅揆天
語才堪八斗量筆容九鼎舉彙征拔連茹彌縫揭
針縷氣象俱崢嶸各位互撐拄都已騰雲霄各自
致風雨偏我獨向隅如脩脯失筭途窮味東西人
賤離鄉土虎鼠成異形相觀乃如許

少年好涉獵中歲道未荒頗謂致身易可以企踵
望誰知惜命達假易靳彼蒼太息右文世詩書氣
蕃昌而我獨岐路兩目徒望羊揣摩愧未成養翻
困難忘